



Pou Piblikasyon Imedya: 13/04/2020

GOUVÈNÈ ANDREW M. CUOMO

MASSACHUSETTS REJWENN KONSÈY ANT PLIZYÈ ETA NEW YORK, NEW JERSEY, CONNECTICUT, PENNSYLVANIA, DELAWARE AK RHODE ISLAND LAN POU PÈMÈT MOUN RETOUNEN TRAVAY AK RETABLI EKONOMI AN

Konsèy la pral gen ladan yon ekspè nan sante, yon ekspè nan devlopman ekonomik ak Chèf Kabinè Respektif ki sòti nan chak Eta

Konsèy la pral devlope yon estrikti rejyonal entegre ki konplè pou leve gradyèlman òdonans rete lakay Eta yo pandan y ap minimize risk pou viris la pa plis pwopaje

Gen nouvo efò ki chita sou apwòch rejyonal aktyèl Eta yo pou konbat COVID-19 la

Dèske yo rekonèt ke Eta yo a gen yon (1) ekonomi rejyonal entegre, Gouvènè New York la, Andrew M. Cuomo, Gouvènè New Jersey a, Phil Murphy, Gouvènè Connecticut la, Ned Lamont, Gouvènè Pennsylvania a, Tom Wolf, Gouvènè Delaware a, John Carney ak Gouvènè Rhode Island lan, Gina Raimondo te anonse jodi a Gouvènè Massachusetts la, Charlie Baker, ap rejwenn konsèy ant plizyè Eta a pou retabli ekonomi an epi pèmèt moun yo tounen travay. Anons sa chita sou apwòch rejyonal aktyèl eta yo pou konbat pandemi COVID-19 la.

Gwoup kowòdinasyon an - ki gen ladan yon ekspè nan sante, yon ekspè nan devlopman ekonomik ak Chèf Kabinè respektif ki sòti nan chak Eta -- pral travay ansanm pou devlope yon estrikti rejyonal entegre ki konplè pou leve gradyèlman òdonans rete lakay la pandan n ap minimize risk pou viris la pa plis pwopaje.

Konsèy la pral kreye estrikti sa a nan itilize chak zouti ki disponib pou akonpli objektif pou fasilite izòlman sosyal la san deklanche yon nouvo pwopagasyon - ki gen ladan fè tès, rechèch kontak, tretman ak distans sosyal - epi nou pral konte sou pi bon enfòmasyon syantifik, estatistik, sosyal ak ekonomik ki disponib pou jere ak evalye zouti sa yo.

"Nou te kolabore depre avèk eta vwazen nou yo pou konbat pandemi sa a atravè yon apwòch inifòm pou distans sosyal ak rediksyon dansite epi sa te mache byen. Kounye a, li lè pou nou kòmanse louvri valv la dousman epi pandan n ap siveye ak atansyon kontè pousantaj enfeksyon an pou nou pa deklanche yon dezyèm vag nouvo enfeksyon", **Gouvènè Cuomo te deklare.** "Se pa yon bouton limyè ke nou ka jis peze epi tout bagay tounen nòmal - nou dwe vini ak yon estrateji ki entèlijan, koyeran pou redemare sistèm nou te fèmen yo ak pèmèt moun yo tounen travay, epi nan mezi sa

posib nou vle fè sa atravè yon apwòch rejyonal paske nou se yon ekonomi rejyonal. New York ap fè patenarya avèk senk eta pou kreye yon konsèy ant plizyè eta ki pral vini avèk yon estrikti ki chita sou syans ak done pou gradyèlman fasilite restriksyon pou rete lakay la epi pèmèt ekonomi nou an tounen fonksyonèl."

Gouvènè Phil Murphy te deklare, "Pa gen moun ki plis panse sou sa oswa ki pi cho pou redemare ekonomi nou an pase mwen, men si nou pa reyalize sa kòm sadwa, n ap mete plis lavi an danje. Sèl chemen pou mennen nan yon retablisman ekonomik dirab se atravè yo retablisman swen sante ki djanm. Answit, ak sèlman lè sa a, n ap mete nou nan yon pozisyon pou redemare konplètman ekonomi nou an epi pèmèt rezidan yo nan eta nou an tounen travay pandan n ap minimize danje maladi sa a. Yon apwòch kowòdone, rejyonal, ki monte atravè yon konsèy ekspè ant plizyè eta pral ede nou evite gwo regresyon avèk konsekans ki ta ka katastwofik. Mwen pa ka tann jou lè reyalite teren yo pral pèmèt nou fasilite restriksyon nou yo epi pèmèt ekonomi rejyonal nou an avanse".

Gouvènè Ned Lamont te deklare, "Yon bagay nou pa ka nye sè ke viris sa a pa kanpe nan fwontyè okenn konte, eta oswa peyi men enpak la se menm lan lè sa gen pou wè ak ekonomi ak sistèm swen sante respektif nou yo. Lè nou travay kòm yon kowalisyon rejyonal pou pran bon desizyon yo, sa pral mennen nan pi bon rezilta sou sante piblik pou tout rezidan nou yo. Nou dwe rezoud pwoblèm sa yo ansanm".

Gouvènè Tom Wolf te deklare, "Pi gwo priyorite nou rete pwoteksyon sante ak sekirite rezidan pennsylvania yo. Pandan administrasyon mwen an kontinye pran mezi enpòtan pou redui pwopagasyon COVID-19 la, mwen rekonèt tou ke nou dwe gade devan ak pran yon apwòch mezire, pridan pou prepare pou lavni pandan n ap asire ke nou pa defèt tout efò nou yo. Pennsylvania pral travay ansanm avèk patnè nou yo nan eta a ak eta ozalantou yo pou devlope yon estrateji global ki konsantre dabò sou sante men ki abòde tou bezwen pou retabli gradyèlman ekonomi nou an".

Gouvènè John Carney te deklare, "Nou toujou gen yon sitiyasyon nan Delaware k ap vini pi mal. Enfeksyon COVID-19 la ak ospitalizasyon yo ap ogmante. Rezidan Delaware yo dwe rete lakay. Pa sòti nan piblik si sa pa nesèsè. Pa fè vizit nan Delaware amwenske ou bezwen wè yon doktè oswa pran swen yon manm fanmi. Ou ap ogmante risk tout moun. An menm tan, nou dwe gade devan. Nou bezwen yon apwòch koyeran pou retire eta nou an nan kriz sa a, lè jou a rive. Mwen rekonesan pou patenarya kolèg Gouvènè mwen yo nan rejyon an. Yo tout ap travay lajounen ak lannuit pou anpeche gwo vag nan ka COVID-19 yo, pwoteje kapasite lopital yo pou pasyan ki pi grav yo ak sove lavi. N ap rive travèse sitiyasyon sa lè nou travay ansanm".

Gouvènè Gina Raimondo te deklare, "Eta yo pran devan pandan n ap batay pou ralanti pwopagasyon kowonaviris la epi sove lavi. Mwen fyè de mezi nou te pran yo epi mwen toujou ap panse sou travay sa pral mande pou redemare ekonomi nou an. Men nou konnen ke viris sa a pa rekonèt fwontyè epi sa klè ke nou bezwen yon apwòch rejyonal ki djanm ak kowòdone pou evite yon dezyèm vag maladi sa a. Mwen rekonesan anvè kolèg Gouvènè mwen yo pou lidèchip yo pandan kriz sa a epi mwen konfyan ke nouvo patenarya sa a pral sipòte efò nou yo pou pèmèt rezidan Rhode Island yo -- ak tout Ameiriken yo -- tounen nan travay san danje".

Gouvènè Charlie Baker te deklare, "Administrasyon Baker-Polito a pa ka tann pou patisipe nan diskisyon avèk Eta avwazinan yo ak ekspè yo konsènan repons kontini kont pandemi COVID-19 lan. Massachusetts rete konsantre tou sou efò yo pou etann tès yo, asire kapasite lopital yo ak bay Ekipman Pwoteksyon Pèsonèl (Personal Protective Equipment, PPE) nesèsè pou sila ki nan premye liy yo pou ralanti pwopagasyon COVID-19 nan kominote nou an".

###

Lòt nouvèl disponib sou sitwèb www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)